



O'ZBEKISTON RESPUBLIKASI ICHKI ISHLAR VAZIRLIGI
TIBBIYOT BOSHQARMASI

100031, Toshkent shahar, Sarabo'ston ko'chasi-11. Telefon; 71 231 34 24. Faks; 71 233 60 05

23/ 990

2022-yil "18"-iyun

Vazirlikning markaziy va hududiy
davolash-profilaktika muassasalari
boshliqlariga
(ro'yxat bo'yicha)

"COVID-19" koronavirusi infeksiyasi bo'yicha ikki yillik kuzatuvlar shuni ko'rsatmoqdaki, yurtimizda koronavirus infeksiyasi bilan kasallanish mavsumiyligi yoz faslining issiq kunlariga to'g'ri kelmoqda.

2022-yilning yanvar-fevral oylarida yurtimizga Koronavirus infeksiyasining "Omikron" shtami kirib kelishi munosabati bilan kasallik ko'rsatgichlari keskin ko'paygan bo'lsa, so'nggi 4 oy davomida kasallanish ko'rsatgichi keskin tushib, xodimlar orasida umuman qayd etilmay qo'ygan edi. So'ngi kunlarda mamlakatimiz aholisi orasida, shu jumladan Ichki ishlar organlari xodimlari orasida ham koronavirus infeksiyasi bilan kasallanish xolatlari ortib, ushbu kasallikka nisbatan xushyorlikni oshirish talab etilmoqda.

Yuqorida keltirilganlarni inobatga olib, IIV tizimida koronavirus infeksiyasi kelib chiqishi va tarqalishining oldini olish, shaxsiy tarkibning doimiy jangovar shayligini ta'minlash maqsadida fidokorona xizmat qilib kelayotgan davolash-profilaktika muassasalari xodimlarini salomatligini asrash, hamda murojaat qilib kelgan bemorlarga malakali tibbiy xizmat ko'rsatish sifati va samaradorligini saqlab turish maqsadida, **talab qilaman:**

- koronavirus infeksiyasini keng tarqalishi bilan bog'liq vaziyatni inobatga olib, "COVID-19" koronavirusi infeksiyasidan himoyalashda xodimlarni karantin qoidalari talablariga qat'iy amal qilishlari yuzasidan tushuntirish ishlari o'tkazilsin;

- vazirlik markaziy va hududiy davolash-profilaktika muassasalari xodimlari va murojaat etib kelgan kontingentning barchasi ma'muriy hudud hamda binolarda tibbiy niqobda yurishi ta'minlansin;

- davolash-profilaktika muassasalariga kirish qismida murojaat bilan kelganlarni tana haroratini o'lchash, qo'llarni antiseptik vositalar bilan zararsizlantirgandan so'ng ichkariga kiritish amaliyotiga rioya etilishi qat'iy ta'minlansin;

- tana harorati yuqori bo'lgan, tomoqda og'riq, quruq yo'tal kabi alomatlar kuzatilayotgan bemorlarni zudlik bilan alohidalash choralari ko'rib, alohida

ajratilgan "Filtr" xonalarda shifokor ko'rigidan o'tkazish, hamda "COVID-19" koronavirus infeksiyasiga PZR laboratoriya tahlili topshirilishi tashkillashtirilsin;

- ro'yxatga olingan har bir koronavirus infeksiyasi xolati yuzasidan epidemiologik surishtiruv ishlari o'tkazilib, yaqin muloqatda bo'lgan xodimlar ro'yxati tuzilsin, hamda ulardan PZR laboratoriya tahlili uchun burun va tomoq xalqumidan surtma olinishi tashkillashtirilsin;

- ichki ishlar organlarining barcha muassasalarida koronavirusdan himoyalash mavzusidagi yo'riqnomalarini ko'rinarli joylarga osib qo'yilishi ta'minlanib, sanitariya-maorif ishlari kuchaytirilsin;

- koronavirus infeksiyasi ro'yhatga olingan har bir ichki ishlar organlari ma'muriy binolarida shartnoma tuzilgan profilaktik dezinfeksiya bo'limlari tomonidan epidemiologik ko'rsatmalarga asosan yakunlovchi dezinfeksiya tadbirlari o'tkazilishi nazoratga olinsin;

- vazirlik markaziy va hududiy davolash-profilaktika muassasalari shaxsiy tarkibi orasida ommaviy tadbirlar va yig'inlar o'tkazilishi rejalashtirilayotgan majlis zallarida yig'ilish o'tkazilishidan oldin va yig'ilishdan so'ng zararsizlantirish ishlari o'tkazilib, eshik va deraza romlarini ochgan holda yaxshilab shamollatish choralari ko'rilsin;

Ushbu ko'rsatmada belgilangan chora-tadbirlarni bajarilishi ustidan nazorat joylardagi birinchi rahbarlarga, umumiy nazorat vazirlik Tibbiyot boshqarmasi SENBM (R.D. Muxitdinov) zimmasiga yuklatilsin.

**Boshqarma boshlig'i,
podpolkovnik**

Sh.Yu. Nishanov